



芝山集

共九

~ 16  
2433  
1



和  
號 2433  
卷 1-9

芝峰集序



文章之顯晦係世道消長  
遇其時則化於今不遇時  
則傳諸後遇者恒少而不  
遇者恒多文如子長子雲

可謂大鳴千古而猶以不  
遇夏至欲藏之名山以俟  
後世知己文人之用心良苦  
矣遇時困難傳後之難又  
如是耶我 宣廟勵精文

治作新人才道德文章之  
士彬三輩出前後數十年  
間名家大集次第剏剏猗  
歟盛哉芝峰集者故吏曾  
判書李公潤卿著也芝峰

少耽書於古文辭無不工  
而尤長於詩公退杜門謝  
事沈潛書史或栖遑州郡  
或歛迹郊廡一室蕭然吟  
隱不倦凡遇憂然困危不

平妄聊一以詩遣雜屢  
遭禍機終始自請完名保  
哲超然於文罔之外逮際  
昌期位隆隆顯而居寵若  
驚不以為榮以簡制煩以

靜制動本源澄澈微瀾不  
起以故發之於詩者一味冲  
澹無繁音無促節其聲鏗  
而平其氣婉而章每一讀  
之宛然想見其人傳曰詩

可以觀不其然乎其文發於  
六經根於性理如蘇案如葛  
秦絕無浮華僻澁之態至  
如務實十二條萬言封事  
陳說國體切中時病真是

中興第一劄公雖靜坐譚  
詩若無意於世務之精神  
文采之叢為經綸事業者  
乃如是嗟公之在世也公之  
詩已播於天下安南流球

之使而聞公名既沒而公之  
籍益大行於國中不啻家  
傳之反誦若公可謂能化  
今而能傳後世也然則公之  
著述只是詩若文耶余觀

公學誠及自新箴則可見  
公晚年工夫專在學問上  
文章特其餘事身吁其  
可敬也

索禎甲戌春日大匡輔國

索禎大夫行判中樞府事  
李廷龜聖徵書



自維始省事每聞前輩諸公論  
當世第一流人必稱芝峯李公  
恒舉其字曰某甫金玉其人也  
維固稔聞而心識之既而遭罹  
否運世道交喪雖號稱名士大  
夫者亦多隨流變化或利方



為圓或染貞為黷而賢者不幸  
注、觸克酸冒禍因顛連危院  
者有之惟芝峰公恬穆自守危  
遜適宜凡世之滋垢固不得以  
毫毛浼公即棧辟尉羅亦無  
自而加諸公維時屏家田野為

高公之趣操而竊嚮注焉及之  
上踐作微庸者詰而公登朝通顯  
為清流儀範維亦幸 聯武朝  
列時、獲私於公公不以晚進  
見鄙輒為之傾倒揚摧理義品  
隲藝文以至今古之世務靡所不

講維於是益服公邃學博識測  
之而彌深酌焉而不竭蓋古所  
謂大雅君子華藻之多特其  
士置身居久之進拜冢宰凜  
有台鼎之望而公遽即世矣公  
少而嗜學於書無所不觀於文

詞無所不工而尤深於詩其為  
詩常疾世俗佻儇嚙噪之習  
必以唐諸名家為法則故其所  
調諧協色澤朗潤有金石之聲  
圭璋之質焉文志在於雅馴不  
作近代僻澁語多軒申相公嘗

稱公待神而化之五山車天輅  
南窓重玄成志以為格高語妙  
句圓意活優入盛唐間域其見  
重於藝苑如此云傳曰德成而  
上藝成而下夫文章之藝也世  
固有飾羽而畫以蜺蠓自售者

矣惟深於天機者不然意盡而  
後詞見焉質立而後文施焉爰  
在其中而暢於外故曰詩可以  
觀若公之為者是已不知是何  
足以列於立言而稱不朽哉公  
既沒諸子以公家集授剞劂而

徵弁卷之文昔蘇長公於歐陽  
文忠張文定皆有知己之感故  
序其集而詞致深篤維之不佞  
誠無所比數獨於公積二十季  
景慕之私終見知於暮途區區  
感慨于中者自謂不後古人故

不辭而為之序

崇禎癸酉中冬奮忠賢謨立  
紀靖社功臣正憲大夫新豐  
君張維序

芝峯先生集目錄

卷一 五言絕句

卷二 七言絕句

卷三 五言律詩

卷四 七言律詩

卷五 五言排律

卷六 七言排律

卷七 五七言古詩

卷八 安南使臣唱和錄

卷九 琉球使臣贈答錄

卷十 朝天錄

卷十一 半槎錄

卷十二 鶴城錄

卷十三 洪陽錄

卷十四 皇華集次韻

卷十五 禁中錄

卷十六 續朝天錄

卷十七 新恩唱和錄

卷十八 昇平錄

卷十九 皇華集次韻

卷二十 別錄

卷二十一 雜著

卷二十二 雜著

卷二十三 雜著

卷二十四 采薪雜錄

卷二十五 讀書錄解

卷二十六 題辭

卷二十七 東燭雜記上

卷二十八 東燭雜記下

卷二十九 警語雜編

卷三十

剩說餘編上

卷三十一

剩說餘編下



芝峯先生集卷之一

五言絕句

題畫屏

霧重山全濕溪廻岸更紆桃源在深處人有避秦無

其二

亂樹森如舞懸崖裂欲飛歸舟駕輕浪夜水入柴扉

其三

倚船風露曉獨酌還獨釣釣罷一肩高江空秋月小

其四

鴈歸秋渚冷碁散夕亭虛中有持竿客冥心不在魚

直夜記夢

豹直巡廳將龍驤副護軍無端中夜夢秋入嶺東雲

題青山白雲圖

白雲本無心青山亦不語色相兩空空風吹何處去

雪後

昨夜千村雪今朝萬樹梅兒童推戶出誤喜是春來

平沙落鴈

蘆白沙如雪聯翩下夕暉休言能避弋平地有危機

遠浦歸帆

野曠風還有江空雨似無忽驚眠鷺起烟外晚帆孤

瀟湘夜雨

斑斑竹上血當日二妃冤半夜江心雨何曾洗淚痕

洞庭秋月

玉鏡涵金鏡澄明上下空人間無此景除是廣寒宮

山市晴嵐

宿靄籠朝旭巖崖霽色寒依佈林際路恰似畫中看

江天暮雪

江風寒醞雪江日澹無輝何處人回棹知從訪戴歸

漁村落照

薄暮初收釣烹魚酒滿甌歸舟閑不繫漂去摘花洲



烟寺晚鐘

翠微僧獨去烟迳細難分  
認取招提近鐘聲出暮雲  
七月初一日大驟雨

一雨破殘暑高堂生夕涼  
遽然成小夢秋色水雲鄉  
漫遣

睡餘仍獨卧詩罷或長歌  
一勺茅柴酒吾心自太和

酒名太和  
湯故云

十一月十七日雪中即事

軟飽寒齋夕孤吟句未成  
開窓天正雪無限灞橋情  
對南山

仄迳冰前斷柴扉雪後關  
經寒無客到白酒對南山

挽沈生

夜壑驚秋雨江湖落酒星  
他時聞笛處腸斷月沙亭

雪後

斗屋朝寒重披衾睡起遲  
開窓有新興雪壓小梅枝

臘梅

雪掩千峯合水埋萬木摧  
不知梅蕊上何處得春來

春曉

月落階前樹開簾曙色斜  
幽人初睡起鳥語出梅花

風水亭

海氣晴看雨濤聲夜聽雷登臨今古意無限眼前五  
古意

妾似雨中花郎如風後絮花好亦易衰絮飛歸何處  
其二

楊柳有新絲絲絲千萬縷但解織春愁何曾絆人住  
奩體

重重繡幕遮蒼角燕雙斜最羨階前樹能開夜合花  
其二

梧葉響銀床珠樓護夜涼曉聞鸚鵡喚瓦上有新霜  
白雪曲

窓前今夜雪滿地白皚皚見影方知月聞香始辨梅  
詠雪

暗竹蕭蕭響寒窓曉色迷簷間有宿雀日晏未移棲  
練光亭

樹浮平野濶江割古城迴形勝千年地登臨一酒杯  
征婦詞

昨夜邊書至征人戰不歸可憐閨裡夢猶自到金微  
詠鴈

一片天為紙江雲水墨開分明成字去應帶遠書來  
果川道中

錦樹千山色黃茅十里痕滿林梨棗熟知是果州村

雙松亭十詠為安而蓋作

招仙臺

虛臺四望遙仙侶坐相招我欲騎鯨背因風戲紫霄

洗心潭

石潭清見底沙淨玉粼粼對此何煩洗曾襟自少塵

留仙榭

翩翩鶴上人云是安期子一笑海山秋高樓明月裡

補天石

磊磊溪中石媧皇手鍊餘何年天罅裂落此帶方墟

水穴巖

石竅噴飛泉水清魚可數坐看巖底雲去作溪南雨

凌雲梯

危梯出半空步步凌風迥舉袖拂天星逍遙白雲頂

宴仙池

竹下通幽徑池光靜不流時携天上客來作鏡中遊

邀月堂

峯頭月欲出待月夜眠遲邀却姮娥飲醉攀丹桂枝

懸流瀑

天漏石難補河傾絲不收遙看一匹練化作玉虹流

芙蓉沼

雨濕芙蓉渚幅巾自來去中有採菱人花深不知處

江南曲

順天號  
小江南

人道江南樂我道江南惡疊浪高於山盲風四時作

其二

人說江南好我說江南苦毒霧無冬春冥冥十月雨

擬古

昨雨君不行天晴君且去將儂淚作霖更欲留君住

其二

鴉啼茂苑風月落寒山鍾未曉別君去行雲無定蹤

盆梅詞

幽房臘月裡密密護重帷欲問春來處東君也不知

海翁亭八詠

海門殘照

遙海浸空碧餘霞上下赤蒼茫何處帆政帶扶桑夕

禪峯霽雪

慘慘群木裂冥冥飛鳥絕應知岳寺僧獨賞山中雪

竹暹清風

暗竹迷行逕前溪日將暝醉倚石頭眠微風吹自醒

松臯涼月

松上掛初月夜涼清入骨疑乘鶴背風踏破瓊瑤窟

荷塘聽雨

小閣垂楊裡圓荷新出水無端夜雨聲驚起鴛鴦睡

梅塢尋春

尋梅雪中去為問香來處不道水邊枝春心已如許

前浦觀漁

蘆花挾岸上處處聞漁唱却怕夜潮生磯頭收夕網

後園收栗

彭澤休官後田園秋興富稚子抱籠歸清霜朝滿袖

村庄即事

日照三椽屋閑庭半竹陰幽人卧未起山雪夜來深

雪後

夜寒茅屋畔春信到溪梅為與山人約柴扉掃雪開

庇雨堂八詠

東池細柳

揚柳滿池渚東風初罷絮枝枝颺碧絲絆得流鶯語

北嶺疎松

北嶺晝多陰蒼髯繞山背可憐梁棟姿獨秀風霜裡

馳駱晴雲

我愛山上雲朝朝相對卧我性懶於雲雲閑不如我

峨嵋暮雨

落日開烟鬢依依明遠樹輕陰度野來散作平橋雨

前溪洗足

溪頭新雨過溪水長數尺濯足溪水中還卧溪頭石

後圃採芝

露濕春園早芝生香蒲抱餐來骨欲輕何似商山老

巖洞尋花

谷口幽且阻桃源在何許閑隨蛺蝶來始得花開處

山亭待月

蒼茫天宇淨亭上對清影舉酒勸姮娥蟾宮夜應冷

病後

蛛絲義作網鳥跡頡成書寂莫閑庭裡真同太古初

春怨

淚沾春院色愁對夕樓陰借問無情草緣何亦腐心

古意

娟娟雲際月灼灼雨中花雨去殘花色雲來掩月華

閨情次古樂府

明月解憐人流光夜夜照低簾不上鉤恐被婦娥笑

惜春

花寒纔欲吐春去苦難住昨夜雨方催今朝風更妬

送客

立馬溪橋夕恣恣酒一危臨分欲有贈揚柳已無枝

丁卯社日

舉國南奔去窮樓寄海隈可憐春社燕今日為誰來

無題

亂草遮行逕殘花隱壞垣惟聞百舌鳥春盡更多言

擬子夜歌

郎愁儂亦愁郎喜儂亦喜愁喜本一心同生復同死

其二

郎向臨邛去殷勤重寄語道傍多酒樓莫問當壚女

艷詞

對鏡羞孤影開窓恨見春百花爭欲笑應為獨眠人

其二

道上偶逢郎含情不得語青梅打馬蹄何事忙歸去

大言

若木裁為杖扶桑截作輪登臨六鼇頂碧海再揚塵

其二

五嶽纔如案東溟不滿壺聊將九陽燭燔炙大鵬雛

相逢詞

白下相逢處高樓酒半酣揮鞭還別去春日杏花南

其二

飲從何處來顏作梅花嫩白馬去如星君家知近遠

芝峯先生集卷之一

芝峯先生集卷之二

七言絕句

即事 戊戌

病骨端居最怕寒一窓牢落掩江干不知庭院春多少  
試折花枝仔細看

秋宮怨

金獸爐中燼水沉疎螢暗度玉階陰秋來獨有姮娥  
月共此長門夜夜心

雨中即事

雨罷青山濕敞廬一村籬落豆花初厨中晚報黃梁



熟正是幽人晝夢餘

寶山朝靄

淡抹烟鬟一髮蒼  
遙空黛色接微茫  
東峯日出西峯  
霧恰似蛾眉半面粧

遣興

紫蠚黃鷄引興長  
病來歸夢落江鄉  
微風捲却前山  
雨更與西窓一味涼

直夜次尹而述韻

漏鼓聲中睡未安  
博山烟盡篆香殘  
西樓一夜新霜  
重生怕青綾分外寒

冬至望闕禮口占

閭闔天開未五更  
千官齊賀一陽生  
彤墀禮罷歸青  
瑣環珮丁東月下聲

西湖訪友人

江外空林雪壓枝  
故人來訪為相思  
夕陽籬落孤烟  
裡彷彿當年換酒時

春江泛舟次前韻

露濕輕紅著杏枝  
碧江搖蕩一春思  
斜陽半醉花村  
酒興入漁舟罷釣時

岸下長江岸上村  
杏花籬落正黃昏  
綠蘋風外歸帆

小萬里春潮捲海門

登禿嶺

石徑巉巖幾屈盤  
往來人作畏途看  
須臾步下寬平地  
不似羊腸世路難

吹笛院 在牛峯

曾將一笛院前吹  
醉倚空山落日時  
匹馬偶來追往事  
澹烟芳草十年思

行宮騎省即事

綠槐庭院嫩陰齊  
留得嬌鶯自在啼  
簾額畫垂宮漏靜  
夕陽人倚小窓西

湘水驛道中

雨後清和近午天  
驛樓芳草暗湘川  
誰知倦客征鞍上  
半是吟詩半是眠

試院秋夜 七月差別  
試考官

夜闌庭院月初低  
露下寒蟬傍枕啼  
睡起秋聲何處覓  
金風正在碧梧西

聽盡嚴城午夜鐘  
一簾秋意對南峯  
無端驚破滄浪夢  
月入西樓第幾重

雪中訪李五峯令公以病不見而還

高卧袁安病起遲  
掩門寒雪擁踈籬  
歸來十里城西

路恰似山陰興盡時

夏日即事

北窓支枕傲羲皇竹日松風共一床不待新秋蠲酷  
熱此翁心地自清涼

水調詞

水精簾箔捲秋河陣陣微涼透碧紗忽覺有香來暗  
裡月明池上白蓮花

塞下曲

日落陰山候火遲雪中千騎逐胡兒塵沙一夜邊風  
急吹折軍前大將旗

七夕前一日大雨戲成

天上金風玉露時青梧葉脫近秋期臨河一陣如絲  
雨應為明朝有別離

七夕日復用前韻五首

碧落新秋雨洗時年年一度赴幽期玉龍蹄滑應愁  
濕霞佩雲車想陸離

一年秋思渡河時相別無多會有期寄語天孫休怨  
淚昇婁孀宿是生離

銀河橋畔鵲飛時天與靈仙一會期玉女故教風雨  
惡妬他歡愛太支離

重七佳辰夜午時洞房花燭隔年期無心乞與人間  
巧拋擲金梭為恨離

含情無限怨芳時每歲西風此夜期却羨河邊白榆  
樹兩株相並不曾離

月夜翫餘籬花

臨階雪艷暗生香夜露慙慙與洗粧疑是月宮諸玉  
女謫來猶舞白霓裳

憶宣城

多少朱欄映畫橋昔年羅綺向春嬌傷心謝朓樓中  
月依舊東風怨玉簫

遠山白烟

十里平蕪暗未分日光初漏嶺頭雲山腰一帶朝烟  
色恰似仙妃白練裙

豚兒晝寢戲書

不讀書來二十年從人笑我腹便便如今更遣兒童  
懶永日西窓事晝眠

七夕日送人

立馬都亭共一卮踈桐葉落早秋時人生莫作臨歧  
恨天上今朝亦別離

過沈晚沙宅有感

去年高會此堂前  
佳節清樽醉綺筵  
今日一杯湖海酒  
西風又近菊花天

偶出廣津口占

三載紅塵一拂衣  
滿江秋浪雨餘肥  
白鷗應笑吾生事  
如此風光不醉歸

次申玄翁病中見贈韻

冷卿官况苦難溫  
坐覺丹田夜自暎  
城市從來堪避世  
漢朝方朔在金門

病中即事

渴即呼茶倦即眠  
更無餘事到丹田  
團蒲永日垂簾

坐頓悟詩功漸入禪

道家謂閉眼為垂簾

病後始出

窮途誰問病誰醫  
閉戶庭除久不窺  
贏得今朝兒輩恠  
阿翁還有出門時

題桐剪板次韻

爾胡為板不為琴  
枉直非關較尺尋  
賴有無絃真樣在  
淵明千載是知心

即事

此心初透利名關  
萬事忘來世味閑  
客至點茶無一語  
捲簾終日對青山

有客嘲我馬疲鈍

我馬如牛君馬駿君行何疾我何遲休將快鈍論優劣畢竟須看致遠時

幽居

山下幽居晝掩扃竹鷄聲裡夢初醒搢頤宴坐西窓夕讀盡黃庭內景經

宮詞

丙午

閭闔紅雲拂曉開六龍扶日上蓬萊君王早御金鑾殿花外宮臣奏事回

露滴瑤階浸月華夜深蓮燭出天家君王政罷求賢

夢喚取詞臣草白麻

入夜銀床露壓烟漏聲初下紫微天君王此際憂民切案上時看七月篇

禁籞霏霏下玉雲折綿嚴氣透西清君王想得邊寒甚替却貂裘賜遠征

春宮怨

禁苑春晴晝漏稀閑隨女伴闌芳菲落花也被東風誤飛入宮牆更不歸

除夜次高達夫韻

兒女團欒強不眠地爐烹酒共謹然阿翁默坐無情

緒明日增年是減年

江村

竹屋脩脩面水居倦來推枕午眠餘  
偶隨黃鳥閑行去楊柳磯頭看打魚

蜘蛛

爾腹何容爾體微巧乘昏夜網羣飛  
籬尖屋角為依罔一夕秋風底處歸

狎鷗亭

第一名區漢水潯群鴉飛處柳陰陰  
汀鷗不下斜陽盡岸草汀沙自古今

九月十二日晚夢中得白

尾溝霜重玉鱗鱗呀啞寒鷄喚早晨  
驚覺碧窓殘月白楚雲湘水夢中身

即夜

萬籟沉沉雪有聲夜床寒意布衾輕  
幽人倚枕潭無睡水滴蓮花第五更

塞下曲

玉帳秋臨瀚海寒雪邊烽火照天山  
龍庭昨日輸金帛今夜單于又犯關

詠史

阿瞞死後猶疑塚林甫生前只銅駝畢竟肺肝人覩  
得笑他身計未全工

寄懷冲微上人己酉

紅塵長望白雲岑寺在龍淵深復深我欲問師空寂  
意青山不語水無心

漫書

歲月欺人坂走丸餘生無計鍊金丹欲從玉兔求靈  
藥安得長梯上廣寒

夢作七月二十日夜

我欲為君平斗極手斟天酒注生民陶然一世中和

裡鼓舞羲皇萬古春

夢遊重興寺

石門秋色短筇前往事關心二十年昨夜分明身化  
鶴冷風吹上白雲巔

酒席口占贈沈結城重卿之行

把酒山南判去留驛程迢遠海雲頭洪陽父老如相  
問門掩柴桑病後秋

迷豚聖求設翰林宴於傍舍感而賦之庚戌

夢破青綾二十春白頭今日病中身誰知翰苑先生  
者老作屠門大嚼人



古別離

綠悴紅銷暗斷魂相逢脉脉兩無言欲知別後情多  
少須向羅衣檢淚痕

次許岳麓漢上詩韻二十首

并序

許知事岳麓公用 恩賜十貂皮買亭于漢  
上仍名以侈之而其先墓又隔江相近故初  
一庵以寓羹墻之思吁即此而戀君之忠慕  
親之孝俱在於其中古人有一飯不忘終身  
而慕者蓋於公見之矣今得所製二詩不敢  
以文拙自外謹和其韻聊抒余感云爾

第一名區枕漢江暮年勲業負經邦却將二字題華  
扁刺得恩光照夜窓

老宰新亭俯碧江箇中形勝最東邦眼前無限恩波  
濶萬里風烟可小窓

忠直人推繼曲江片言當日可興邦文貂換却菟裘  
地渚月汀雲共一窓右十貂亭

筆底文瀾浩似江家聲奕世勲偏邦為因丘墓長瞻  
望小閣南頭不設窓

袞袞衣冠共此江地靈人傑盛吾邦休嫌病後難登  
壠咫尺松楸自入窓

岸上青山岸下江鍾英毓秀翊藩邦不須更作思亭  
記自有高詞映綺窓右望慕庵

多公才學笑潘江世稿雄詞播異邦怪底山川增氣  
色壁間奎藻耀軒窓

平臨冠岳帶三江盤踞千年壯一邦卜築知公能占  
勝畫收風景在秋窓

異代才同夢筆江盛名今日聲家邦還將事業輸高  
卧宇宙清風一北窓

山拆西南畫大江此間奇絕冠中邦主人自是貪看  
水亭上皆通面面窓

謝家詞藻詠澄江一點文星照震邦今日喜觀亭上  
作筆端風雨夜掀窓

霜草平連十里江江頭驛路出南邦慙慙手剪蒼前  
樹怕碍山光不到窓

霜草地名

十年歸計負滄江只為生逢有道邦倘許卜鄰成舊  
約小軒相對白雲窓

許渾詩歷李才江何幸吾生得共邦他日扁舟期一  
訪水亭高處夜開窓

終古洪流禹鑿江地形羅濟此分邦高人胸次元來  
濶四面乾坤不隔窓

漢江佳麗比吳江山水休言在越邦最是樓臺如畫  
裡小亭人倚夕陽窓

平生渴夢幾吞江醉裡豪情溢海邦猶憶去年篷底  
飲五更寒雨打船窓

濟川亭下浸長江形勝由來說此邦堪恨卧遊空寄  
興一秋辛苦讀書窓

慣從漁子泛秋江兩眼平生遍遠邦漢水風光還攪  
我曉來歸夢落蓬窓

故鄉尊繪憶松江張翰風流擅晉邦何似十貂亭上  
客網魚甌酒倚閑窓

看梅

庭院深深午景遲身閑正與睡相宜騷翁老去偏成  
懶靜對梅花不賦詩

南窓諸公屬和故再用其韻以足前篇不賦詩  
之意本十二首

長對孤芳坐獨遲高人胸次澹相宜晴窓白月真顏  
面須識芝峯本色詩

雨中漫成

隔屋春禽竹外聞小窓愁對夕爐熏蕭蕭院落黃昏  
雨濕盡梨花夢裡雲

直巡廳

九衢燈火夜如朝  
車馬喧喧十二橋  
寒枕夢回窓未白  
五更鐘鼓破霜霄

與客小飲

清歌寶瑟酒盈杯  
入夜華筵為客開  
分付兒童莫吹笛  
怕教落盡一庭梅

枕流臺次韻為劉希慶作

籬外清溪溪上臺  
臺前無數小桃開  
殷勤莫遣隨流水  
怕有漁郎入洞來

揭水潺潺漱石臺  
亂峯蒼翠鏡中開  
真源徹底清無

滓倘有巢由洗耳來

憶西都舊遊

栽松十里馬如飛  
滿路笙歌擁繡衣  
最是夜深高宴罷  
綺羅扶醉月中歸

畫橋楊柳渡頭迷  
花映樓臺水映堤  
今日風流人不  
管斷腸春色俱江西

遊仙洞

玉清仙子行無迹  
夜入星辰吹鳳笛  
瑤池飛去月明時  
鶴上三更涼露滴

廣寒宮殿九天上  
仙客朝元披鶴氅  
蓬山萬里曉風

凉吹落雲間環佩響

艷體

樓外春寒雪欲飛曉風吹冷入羅幃佳姬睡著無人喚夢作巫山夜雨歸

繡幕東風燕子歸金爐火宿篆烟微重簾不隔佳人夢亂逐楊花到處飛

金盤薇露洗鉛華睡起開窓日映紗寂寂閉門春又

去鈎簾怕見石南花

本草曰石南女子不可久服令思男南一作楠

迢遞相思隔錦城落花飛盡燕飛輕窓前悔種芭蕉

子雨打中宵葉葉聲

詠梅

凌寒梅蕊早迎新竹外園林未覺春標格可人元勝絕一枝纔發便精神

古梅花發小庭幽春到南枝最上頭誰遣雪來添嫵媚天公應亦好風流

遊仙詞

黃鶴仙人舊姓回半空雲霧作樓臺風前一隊笙簫響知自蓬山夜宴來

朝從度索賞蟠桃脚底西風海水高手摘扶桑繭五色和烟織作玉皇袍

白鸞尾扇明如雪  
半夜瑤壇掃秋月  
素手臨風玉笛  
橫一聲吹斷三山裂

甲寅重陽偶成

竹外新霜昨夜多  
踈籬寂寞傍山家  
寒英似識愁人意  
縱遇佳辰不作花

漁父詞

老翁手把一竿竹  
靜坐苔磯睡夕陽  
魚上釣時都不覺  
晚潮來浸棘籬傍  
沽酒臨流釣錦鱗  
柳花飄蕩滿江春  
一扁舟裡生涯足  
誰是人間富貴人

漫成

嫩寒天氣近清明  
小雨霏霏欲滿城  
愁病竭來深閉戶  
一春花柳捻無情

春閨詠

燕入空簾花滿牀  
十年春色夢漁陽  
庭前舊種相思樹  
子落還生似妾長  
垂柳陰陰綠映樓  
晚鶯啼上杏梢頭  
閑來手摘宜男草  
獨倚雕欄盡日愁

苦熱行

北里歌鍾動四隣  
九街紅日織車輪  
侯門是處水山

冷未救塵埃弱死人

即事

坐闌庭際午陰餘書葉迎風自卷舒人世喧煩休入耳北窓幽夢到華胥

題壁

人生難得是身閑何事勞心筆硯間老去工程惟靜養不吟終日對南山

過安退之舊居

故人家在古西門滿目風烟入淚痕惆悵昔年詩酒處不堪聞籟夕陽村

宮詞

鳳闕平明雉尾開金輿出幸望仙臺臺前侍女爭嬌笑玉盃盛將瑞雪迴

銅雀津記感

山自無言水自東漢南墳樹又秋風餘生淚盡江頭路滿目傷心夕照中

西郊擬別行客終日待不至

九月西城葉政飛一杯千里送將歸行人去盡青山暮無語黃花對夕暉

記夢 并序

丙辰二月十一日余方患疾夢至一處樓閣  
高爽如在大山之頂下有雲霧莫辨其際有  
人金冠翠袍容貌甚麗命余作詩余口占一  
絕云云其人喜曰是矣俄而日光自雲霧中  
騰出照耀不可名狀遂惺而寤只記中兩句  
仍是成之其叔卿二字與余小名相近可怪  
也

紅雲紫府舊三清誰識吾身衛叔卿玉洞桃花春未  
老九天風露夢平生

病中遣懷

病來茶藥作生涯遲暮那堪歲又華窠落一春無意  
緒小窓和月夢梨花

詠白頭翁 草名

鬢絲蕭瑟落花風少日妍華一夢空須識青春元易  
老草中還有白頭翁

即事

草沒閑蹊竹繞籬靜中書卷是良醫倦來偶枕蒲團  
卧日過西窓睡不知

西子

亡國由來自女戎巧將妖態錮君聰平吳畢竟知誰



芝華集卷之二  
力種蠶休論第一功

竹林七賢

魏晉風流自古今  
區區誰識七賢心  
醉鄉不是逃身地  
贏得聲名動竹林

秋夜

露下青梧葉半零  
伴人孤月正中庭  
書生獨有憂邊意  
夜起時看北落星

雪後

綠崖一送傍江斜  
雪後茅茨八九家  
遙想西湖今夜月  
小橋流水有梅花

夜懷

卧病窮廬歲欲闌  
禁街霜雪漏聲殘  
誰知半夜書窓裡  
人與梅花一種寒

巴陵

巴陵江上憶曾遊  
無限青山伴客愁  
春盡渡頭芳草合  
夕陽閑却濟川舟

遊仙詞十首

弱水東頭拂瑞霞  
赤龍晨駕五雲車  
玄都昨種三珠樹  
已見春來九度花

上界平明集衆仙  
剛風引入大羅天  
朝回萬里崑丘

路脚下斑龍不受鞭

廣寒臺殿未秋涼  
鶴背靈風碧落長  
却到桂華踈影裏  
笑看仙女舞霓裳

芝蓋披雲下玉京  
偶從金母問長生  
瑤池一夜霜華重  
卧地青牛凍不行

俯瞰齊州一點烟  
轉頭滄海又桑田  
手回北斗斟雲液  
奉祝虛皇八萬年

霧壓瓊花萬樹春  
八公連袂拜星辰  
劉王却悔來天上  
三載猶為守溷人

清平詞客上瑤壇  
玉詔新除紫府官  
惟與酒星相伴

飲醉眠風露不知寒

浴出紅龍日月池  
玉童雙捻紫簫吹  
天宮暫會安期子  
語到蓬萊水淺時

飲鹿因過赤水隅  
手中簸弄七星球  
海邊逢着東王使  
借問蟠桃結子無

萬朶紅雲拱紫清  
夜深涼露濕鸞笙  
上方玉女看花處  
空外遙聞語笑聲

梅鶴軒次韻

臘盡寒窓病起遲  
西湖重入去年思  
晴軒月下橫斜影  
何似江南夜雪時

霜後精神雪裡姿  
暗香時覺透輕帷  
箇中清意無人識  
惟有孤山夜鶴知

次一嚴詩軸韻并序

余方病塞充久矣况筆硯之後乎往歲英師  
自金剛來叩余詩余漠然無以應師目擊而  
退今其上足一嚴又來請甚勤故書以示之  
悔將文字枉平生心似瘖鍾不肯鳴欲識吾儒工盡  
處上天無臭亦無聲

辛酉重九對雨

滿庭風雨送秋涼  
病裡逢辰老淚長  
若比淵明貧更

甚無花無酒過重陽

即事

竹下清齋抵夜分  
小窓閑閱五千文  
携筇獨出山庭  
月手折松枝掃白雲

斜川庄八詠為李正郎景嚴作

一區瀟灑合棲真  
洞裡烟霞隔世塵  
莫遣桃花臨水  
種怕他輕薄引漁人

右門巖洞天

黛色亭亭雪後奇  
境偏能保棟梁  
姿貞心不逐炎涼  
變一任霜風裂地吹

右乾支松栢

地靈從古秘茲山  
入眼迷茫咫尺間  
應為層巒露圭

角故教輕靄護孱顏

右龍岫晴嵐

夜涼山郭雨初晴雲罷高峯桂影橫須信此心同皎

潔更無纖翳礙吾明

右雲峯皓月

卓錫何年一逕開滿山空翠鎖樓臺非關陶令聞鐘

返自是遊人不肯來

右舍寺尋真

陂塘水滿始生蒲聖世為農足自娛更欲勸君勤着

力好耕心地不捺蕪

右砧橋勸耕

三弄烏烏枕上聽起看天際半無星寒聲不入黃堂

夢霧壓官城醉未醒

右郡城曉角

樹頭斜日隱林臯白水新生漲一篙借問歸舟何處

宿石灘西下浪應高

右蹄灘暮帆

記夢

曾逐仙班拜玉宸偶來凡界耐風塵瑤池璧月三山

夜鶴皆冷然夢裡身

九月望風日陡寒

霜染疎林葉盡丹病餘秋思苦闌珊騷人正似黃花

瘦耐得西風一夜寒

山居即事

山童日晏掃前庭旋汲寒泉煮茯苓滿院松陰人不

到筆頭和露註玄經

夢江南

燕子樓前花滿天  
夢中春色又今年  
江南風月閑無  
主應憶當時老謫仙

雪後赴闕即事

五雲宮闕矗層霄  
雪滿長安富貴宵  
十二天街明月  
裡玉京今日海神朝

憶江南

曾向江潭賦楚騷  
十年清夢落漁舠  
猶思竹院燒香  
夜萬壑西風海月高

秋夜

小窓無月漏聲殘  
身卧藜床夢未闌  
忽覺枕邊秋氣  
早草根虫語五更寒

贈崔處士

垂柳陰中晝掩門  
睡闌無語對晴軒  
應嫌俗子知幽  
逕踏破蒼苔石上痕

詠畫梅

映雪新梅玉一叢  
暗香芳信又春風  
昔年灞水橋頭  
見何日移來素磬中

春盡感懷

春至群芳競鬪奇  
兩猜風妬苦相欺  
繁華一夕渾如

掃便是乾坤夢覺時

即事丁卯

寒雨連旬苦未晴病懷寥落過清明山花也學人愁  
思相對春風笑不成

冬夜

遲暮生涯藥餌中雪簷寒擁歎爐紅身同病鶴眠孤  
榻心逐閑雲入太空

元日立春戊辰

北闕紅雲捧御床滿庭環佩賀初陽天鷄唱罷南山  
曙瑞色春濃萬壽觴

春寒

東風和雪到山家病裡驚心見歲華孤枕夢餘寒意  
重夜愁強半為梅花

早春

流年不覺轉頭新依舊寒窓卧病身唯信曾中天地  
別這間光景一般春

詠紅桃

東君按節報成功讓與韶華屬祝融紅萼不知時已  
晚強將餘艷殿春風

江南行

新荷未出別西灣今見荷花笑玉顏堪恨郎心不如  
水早潮方退暮潮還

遊仙詞三首

一別崑丘萬里賒玉童無地寄瑤華蓬山此去春應  
晚開盡紅桑海上花

新隨阿母赴瑤池背滑青龍不慣騎催着天衣擎玉  
液俯看西海月生時

瓊樹琪花不老春眼中凡界一微塵芝田會上真仙  
侶慙是三清舊識人

次吳軾題萬景臺韻二首

玉節登臨百尺臺龍羅萬象入詩來想看老子曾襟  
潤目下滄溟不滿杯  
形勝名區玉作臺分留物色古今來何當喚取騎鯨  
客共醉流霞酒百杯

月中桂

廣寒曾伴列仙基親見姮娥種桂時遙想滿輪清影  
裡至今新長幾多枝

芝峯先生集卷之二

芝峯先生集卷之三

五言律詩

次鄭僉正韻

僦屋依青郭開園俯碧溪  
灌蔬仍帶雨移竹並和泥  
高閣雲同宿幽林鳥共棲  
時從村老醉歸路費扶携  
寄別南起夫赴淮陽

汲黯身雖病淮陽卧可治  
為官民想望得郡主恩私  
分袂暮春後閉門芳草時  
城東違出祖啣恨贈新詩  
挽全虞候內人

海內閨房秀人間七十春  
齊眉知婦德截髮為家貧



獨舞鸞窺鏡相從劍化津  
縻官違執紼緘淚送雙輪

虞侯先卒同時移葬合墓故云

效香奩體

嬋娟自絕群能舞鬱金裙  
玉指均眉月瓊釵壓髻雲  
春情花欲老舊約鏡初分  
鎖合仙宮夜幽香詎可聞

挽南淮陽

俯拾明經第兼優製錦才  
一生官二品萬事酒千杯  
素幔翻春日悲風響夜臺  
朋知無盡慟身後只提孩

李觀察奉親還湖南酒席偶贈

南國崇陰晚東風柳絮天  
徵書緣孝感行色荷恩偏

范轡澄清日潘輿喜懼年  
惜春兼惜別惆悵酒杯前

吟詩

吟詩本性癖抱拙自天真  
室有忘憂酒門無好事賓  
逢人多白眼閑戶任青春  
役役紅塵內空藏世外身

叅判叔父宅燈夕口占

庭院初交夏鶯花尚殿  
春酒杯今夜月燈火去年人  
未覺歡情減空驚節序頻  
團欒真勝事宜醉送佳辰

水出嶺

削立千峯峻穿岩一逕通  
馬行紅樹外人語白雲中  
谷豹藏朝霧林鼯嘯晚風  
溪流清可濯塵念坐來空

溪流  
地名

權注書所內挽

家世傳芳遠門閭積慶新  
文中君子德閨裡淑人身  
鏡匣收殘黛羅幃集幻塵  
東風薤露曲吹淚曉江濱  
贈金韓山槐山兩行軒

五馬辭朝罷雙旌趁曉飛  
不堪衰病意重送故人歸  
客路分殘雨離亭帶夕暉  
城南違出祖窠落獨荆扉

早秋雨中漫成

乍喜秋風動仍愁夕雨狂  
碧梧先自落水簟已微涼  
世路行邊窄天機靜裡忙  
獨吟聊送日萬慮倚胡床

別趙善繼赴宣川

白首新知少青陽舊契深  
關河今去住世路幾昇沉  
柳陌驚秋意槐庭落午陰  
臨分一杯酒無限故人心  
贈尹都事赴關西

老暑三庚後新涼八月交  
馬行衰草路人渡夕陽郊  
去袂愁難挽離杯病欲拋  
那堪分手罷秋色掩衡茅  
送李成川而遠之任

蒼黃峽中夕把酒慰平生  
不謂能全命寧知此送行  
艱危同許國去住更關情  
一掬當時淚看君出鳳城

壬辰之亂相遇  
於成川故云

送秦請副使驪陽君赴京

送君情若為無限故人思芳草一年別落花三月時  
梯航周貢路文物漢官儀會見天書降歸期也未遲

黃襄陽內挽

金枝生淑德玉葉秀閨房剪髮今陶母齊眉古孟光  
持家二子弱在世六旬強執紼嗟無路緘詞慟更長

贈四溟山人往日本

山人即僧惟政也亦號松雲時劉馬後乞和朝廷姑

政往探賊情

盛世多名將奇功獨老師舟行魯連海舌騁陸生辭  
變詐夷無厭羈縻事恐危腰間一長劍今日愧男兒

中秋偶成

病懷自多感况復是秋中尊膾平生興梧桐昨夜風  
人情老少異月色古今同強對清光飲金樽未覺空

重陽翌日上南麓乘月而還

令節重陽後寒山返照前霜酣楓樹塢雨洗菊花天  
落帽追狂興携壺倚醉恣殷勤屬明月此會更年年

送金正受赴瑞山

正受以言事出外

邑號宜為瑞君今是鳳凰人民推惠愛蛟鱷避文章  
別酒歌三疊歸程海一方徵還應不久側耳聽朝陽

送權仲明赴安州

千里送行色一杯生醉顏朔風催阜蓋城日下陽關  
脉脉故人意恣恣相別間臨歧重握手此去幾時還  
即事

彭澤拋官後經春病起遲親朋憐鬢換稚子怪容衰  
坐卧身依枕存亡命寄醫摧頽還自笑屏酒且休詩  
送任書狀子正赴京

鳳闕驚秋夢燕雲促曉裝荒城華表月高樹薊門霜  
道路新駉馬山川古錦囊歸來應計日消息臘梅芳

次贈三俊上人并序

上人即五臺山僧也往歲隨松雲老師入日

本其還也袖一軸名賢詩走抵鶴城求和於  
余余靳而不許則往而復來如是者再意亦  
勤矣今又來訪余於山南第申請甚懇坐而  
與之語疊疊終夕馬島一歧之奇金剛五臺  
之勝無不了了宛若身跨扶桑足躡方丈與  
群仙遊戲上下何其快哉遂贈四律以塞其  
意云

再度鐵關遠知師情太勤一瓶淮北月殘衲嶺東雲  
錫向松枝掛爐添桂子焚禪門元不二何必倩吾文

鶴城在淮陽  
北故曰淮北

今古臺山寺生平夢想勤窓臨蓬島雨樓濕蔚陵雲  
貝葉師能誦銀魚我欲焚寒齋澹相對禪話當論文

蔚陵島名

我非韓吏部索句爾何勤過海曾看日飛筇偶出雲  
語窮三島勝香對一爐焚手裡南曹叙應知舊姓文

今禮部玄翁公為書以請故末句云

宜爾俊為號雀從王事勤帆檣窮海域衣鉢老松雲  
暗磬風前響清香月下焚求詩將底用至道本無文

朝望終南山

睡起開窓早南山正好看晴嵐橫作帶秀色淨堪餐

泉壑迎朝旭孤松耐歲寒空餘少陵戀回首重盤桓

除夕前一日

清晨一碗粥獨坐誦新詩寂默從門掩垂慵與枕宜  
長貧先得老久病自知醫明日將分歲徒然祝聖時

次李月沙淮陽板上韻并序

月沙李尚書於交州有詩揭板乙巳大水為  
所漂失而竟得於江都六七百里之外豈天  
愛惜公詩不欲使之泯沒而然耶其狂奔蕩  
汨之中免於沙沉水壞而能為人所得固已  
奇矣向使野翁樵子輩得之則亦安知不為

柴薪爨火之資哉唯其脫數者之患而乃歸  
於公手庸非天意而誰歟噫詩之奇也事之  
奇也有不容志志無傳焉月沙公既為之序  
府使張君又為之懸掛以求詠歌其事余方  
守鄰邑目擊慘災尤不能無感遂和本韻而  
歸之○月沙詩曰山擁重關險江蟠二嶺長  
風雲護仙窟日月近扶桑秋鱠銀鱗細春醪  
栢葉香瓜時倘許代吾不薄淮陽

乙巳災無古連城水害長蒼茫人化鼃頃刻海成桑  
天為詩名重神慳寶唾香沉碑彼何者辛苦笑襄陽

連城交州並  
淮陽別名

### 送千秋使赴京

北闕槐初夏西關麥欲秋山川萬里別雲樹一年愁  
冠蓋隨邊駟梯航走帝州遼城如見月莫上望京

樓望京樓  
在遼東

### 讀近思錄有感

性地從蕪穢心田久不耕  
運茅雖易塞山蘖或還生  
涵養須將敬栽培要盡誠  
力勤仍種德收穫在西成  
無題

四海狂歌客生來此道孤  
地偏人不到門冷雀燕無

花裡對君子竹中看丈夫世間誰識我草木好為徒

次韻謝沈相國一松先生詩

附相國詩

夙昔同襟抱尋常入夢思敲門螢火近下榻竹風  
遲伏熱吾宜病詩窮子亦飢相迎遽相送山月細  
如眉

有羨芝峯秀相思玉鏡懸誰知命駕夕正及候虫  
天納祿明時久傾情老友偏文章推一世句句儘  
堪傳

望履黃扉夕雍容話舊思禮寬從坐促情極告辭遲  
吐論蠲煩暑披襟慰怒飢階前盈尺地更願一揚眉

其二

襤褸衝炎熱開軒月未懸坐闌黃閣夜漏下紫微天  
爵抱冰壺映清談玉塵偏歸來誠白幸誇向細君傳

其三

滓賤知何用高明獨軫思猥叨金馬久寧恨土牛遲  
置散元宜分為文不救飢得詩還失喜黃色賸浮眉

其四

吐握身忘倦雲霄望久懸祇嫌當暑夕未覺近秋天  
懶慢趨塵罕包容示眷偏微軀寧獨感盛德士爭傳

其五

北窓初破睡東閣正牽思對使身先竦開緘手恐遲  
一言勸獎飾五字憫寒飢什襲仍成誦窮愁賴展眉

其六

瞻依台鼎老洒落玉壺懸若鳳芝為瑞如星斗在天  
陽春知有脚大度荷無偏明月真投暗惟思作寶傳

又次前韻

幸荷台光照殷勤不盡思寄聲憐疾病溫色眷衰遲  
覲德先成醉餐詩亦止飢驪珠長在眼宛對紫芝眉

其二

鄙吝萌旬日歸依一念懸清風來華戶尺牘下槐天

厚意青眸舊深情白首偏賡酬亦云僭萬口已喧傳

其三

一字踰華袞連篇更慰思唱高知和寡吟苦屬詞遲  
只擬終身誦渾忘盡日飢沉疴今頓釋再拜為軒眉

其四

中宵瞻紫氣台座德星懸筆陣掀鯨海詞鋒動鶴天  
卑棲毛羽短借論齒牙偏碩遇酬無路逢人漫誦傳

其五

德業群公表憂勤十載思時艱辭位早歲早作霖遲  
國事同家事民飢若已飢從容待敷奏一解九重眉



其六

宿望西樞相高名北斗懸  
幘幪依廣廈雲霧覩青天  
落拓時皆棄提携意獨偏  
瓊琚侈滿篋不怕世無傳

早秋

四時忽代序一雨已先秋  
故篋初收扇新衣欲換裘  
江山青我眼世事白人頭  
擺却塵籠去烟波有釣舟

送黃叔正宰橫城

黃生吾叔度秋日更離羣  
路逐雙鳧遠人從落葉分  
別情江上酒歸袂漢東雲  
病裡添蕭索柴門掩夕曛  
丁未中秋雲陰不見月

一半三秋景中分八月時  
人情重此夕天意吝佳期  
雲巧疑相妬風頑似欲欺  
良宵無好况清坐強吟詩  
九月二十日權叔節為其伯氏設酌  
時有邊耗風日又陡寒

撥病何來此排愁強作辰  
天應慳好景菊亦笑陳人  
引滿杯中酒招回席上春  
依然花樹會嗟我最孤身  
屬有賤疾強力赴會故云

延安倅趙公應文以虜警繕完城  
塹喜而寄贈  
地自因人勝功能與鬼謀  
城池曾百戰番鍾且重修  
政績今馴雉聲名舊倚樓  
西戎自無意老子在延州

芝峯集卷之三  
十一  
贈劉希慶

昔別詩相贈連篇字挾霜猶追唐李杜不學宋陳黃  
雪屋琴書冷梅窓笑語香殷勤時一訪留爾到斜陽

李舍人女挽

奕世宗英後深閨十五春人間纔有夢地下更無晨  
鏡匣朝殘黛牀帷夜暗塵情鍾夷甫在山簡亦傷神

即事

虛堂帶南麓幽興俯城陰節物詩中景江山病後心  
夕林開迳小秋葉閉門深一盞黃花酒何人與共斟

偶成 進退格

斗屋終南下蒼茫暮景多雲酣初釀雪梅瘦不成花  
卧久誰相問詞高每獨歌此時寥落意林外伴栖鴉  
酒席口占

雪覆三椽屋棲鴉噪夕籬日今南至後風自北來時  
末路相知少寒天共醉宜憂歡十年事一笑倒深卮  
其二

杜子新茅屋陶生舊菊籬一林晴雪後千壑夕陽時  
委巷過逢少清樽笑語宜惟須除萬事盡意快傾卮  
次雙泉贈詩韻

驪珠四十字一字亦吾師卞璞真難售牙絃祇自知

青山新雨後白屋早梅時造物偏相忌從今莫賦詩  
端午日物膳監進 兩殿各賜錦囊

天上端陽節宮中紫錦囊幾遭承寵錫再拜荷恩光  
溢眼雲霞色沾身雨露香臣愚焉得智祇可貯詩章

尹領府事挽

班聯百僚首經濟中興期德望今山斗功名舊鼎彝  
老天何不勅微恙竟難醫獨有黃扉上清風萬古吹  
送李監司仲集按湖西

四海平生契悲歡半世俱親知今幾箇存沒各殊途  
日月新詩社山河舊酒壚衰逢重惜別握手五雲衢

其二

使節推才望君恩借錦還澄清湖外路鼓舞馬前山  
化雨流窮鄙文星輟右班惟餘故人意無限別離間  
別鄭書狀雲湖赴京

天仙歡會夕人世別離時已抱新秋恨仍兼兩地思  
晚陰城雨送涼意井梧知悵望銀河上星槎問後期

七夕日拜  
表致首句云

挽李進士志寅

種德門闌盛生才夙擅名鯉庭詩舊學蓮榜士初程  
自切親知慟何言父子情人間二十一春夢不分明

趙右尹女挽

京兆家聲大南陽婦德新  
草頭纔有露泉下更無春  
鏡滅前時影床餘去日塵  
情鍾自我輩題挽倍酸辛

金遂安正受挽

海內金蘭契惟君獨與吾  
寧知長孺病遽作子乘殂  
宇宙傷才盡山河覺氣孤  
州民應涕泣沿路莫生芻

送李欽谷厚根赴任

習谷近登州蒼茫海盡頭  
鶴邊孤月曙鵬背晚風秋  
弱水三千界清都十二樓  
從來名勝地為吏亦仙流

次韓柳川韻四首

相思當歲暮五字見才豪  
病喜詩功進寒愁酒價高  
江鄉參鷺鴈村俗問豚羔  
薄宦縻身久空慙舊馬曹

右屬柳川

谷口今才子詩雄挾酒豪  
班聯天上近步武日邊高  
擲果憐潘岳成名笑杜羔  
新詞傳白雪騷壘歷劉曹

右屬玄谷

明時容吏隱老興倚詩豪  
得向江山壯開襟雪月高  
春杯思泛蟻臘味薦蒸羔  
自笑紅塵內支離病水曹

右

風雲翰志壯翰墨屈人豪  
宅對南山近居鄰北闕高

王彊熏麝腦金帳醉羊羔可是詩盟在天公貸我曹

右自詠

沈慈山宗忱挽

憶昨朝天路逢君送我行  
含杯欣舊面握手話深情  
祇此傷離別寧知隔死生  
回看歌酒處雪滿淚江城

贈李迪夫赴永春

百里真仙境懸知樂事多  
江花迎印綬山鳥適絃歌  
露几憑青竹烟簷補碧蘿  
丹丘仍未遠羽客倘相過

丹陽為鄰郡  
故尾句及之

送李養父赴安邊

杖節曾巡察分符又此行  
威名猶絕漠孝理即專城  
漢曲梅初發關程草未生  
憑君問父老倘記病淵明

金正字著國內挽

絕代閨房秀宜家婦範新輝煌  
彤管筆慘愔素帷塵  
露薤朝猶濕泉途夜不晨  
傷心人世夢三十六年春

送千秋使李仲實赴京

隴頭秋入麥關外雨迎梅  
客路雲千里離筵酒百杯  
星槎頻遠役使事固難才  
遙想登臨處江山喜再來

車五山故居有感

傲吏曾棲處城東第一隅  
晚涼猶砌竹秋意自庭梧

宇宙餘詩豪山河廢酒壚巨源無限淚叔夜有遺孤

金正字誠立內挽

有美閨房秀子歸婦道宜一生鸞鏡影千古栢舟詩  
綠蕙先秋折寒泉向曉悲傷心人世事身後更無兒

松湖堂題詠次林石川韻

高亭出世間面面好青山地勝湖如鏡居幽谷是盤  
一區堪送老萬事早休官攬我思歸興分明夢倚闌

廢院

峽中人迹少兵火漏孤村院古風飄瓦庭虛雨壞垣  
松琴清夜響蛙鼓夕陽喧獨有階前樹含情立不言

即事

乾坤容我病杖几托餘生砌晚花猶在門寒犬不驚  
空庭看雀鬪高枕聽鷺聲日夕終南色悠然世外情

李進士揚烈挽

地望推高選天文失少微詩名李長吉生歲謝玄暉  
玉酒纔成醉泉途遂不歸西風無限淚濕盡故人衣

山中

山中今太古世外一閑人有眼乾坤濶無心歲月頻  
渚蓮真淨友庭雀是佳賓莫道吾居陋曾襟自少塵

野外

野外多閑事真同隔世紛  
開樽鶯喚友施食鳥呼群  
暮釣垂明月晨樵擔白雲  
向來文字業年老喜無聞

田園

彭澤休官後田園俗事稀  
雨飄垂柳帶風剪老荷衣  
牧笛迎秋氣樵歌送夕暉  
尋常無客到十日一開扉

九月八日自銅雀舟下露梁即事

晚樹連霜里孤烟見露梁  
潮歸沙渚出日落釣船忙  
斷岸蘆初白寒籬菊未黃  
良辰多苦意不信近重陽

夜坐

四載南州守逢秋白髮增  
還家仍似客向老已如僧

產業無三畝親知有一燈  
身病兼世亂夜坐涕難勝

晉安尉

柳頓挽

名家仍令望妙歲有儒風  
脫略綺紈外雍容詩禮中  
夜霜蘭圃早秋月鳳樓空  
為是親知厚題詞淚不窮

冬夜

悄悄冬威厲淒淒夜帳空  
窓明知有雪簾靜覺無風  
世態人嫌老生涯鬼笑窮  
唯餘干斗氣磊落百年中  
聞遼陽被陷憤慨而作并序

曩在壬辰我東方無國而有國  
即肖翹蠢動之倫生死骨肉皆  
皇上賜也乃今遼城失

守海內震驚凡我東方之人莫不扣心摧腸  
奮刃西向而邈在一隅勢孤力弱不獲聲大  
義於天下報 皇恩之萬一唯視東海為死  
所豈不痛哉豈不痛哉

羽檄龍灣夜烟塵鶴塞陰 皇恩雷在昔大義負如  
今壯士吞胡氣男兒蹈海心傷時無限淚到此更難  
禁

立春日得成鶴泉見寄詩次其韻

病客仍成蟄春光暗入扉荒陂無鴈食破壁有牛衣  
地僻來人少天寒度鳥稀那聞遼海上日夕戰塵飛

其二

雪後袁安宅經冬不啓扉老驚新臘酒貧賣舊朝衣  
久病人情薄長閑世念稀誰知愁夢裡時作白鷓飛

其三

寂寞玄經室荒涼白板扉雄心馮心夜劍朔氣入春衣  
谷暗群鴉集村空古木稀殘梅無意緒巧逐雪花飛

偶吟

絕運人誰到荒庭鹿自群野情隨水遠山色與僧分  
隱几聽黃鳥開簾對白雲靜中觀物態風絮政紛紛

再次鶴泉韻



政憶山中客長關竹下扉  
午行芳草遲春製綠羅衣  
世故來無盡音書到亦稀  
舊遊知幾在經歲耐分飛  
又次韻題南窓行狀稿後

有箇三朝老天胡忍奪之悲  
傳千字誄淚盡九原思  
古屋梅初發荒山月半規  
騷壇今冷落公後更無詩

山居即事用前韻

碎竹通新逕穿崖作小扉  
暖風花吐錦微雨水生衣  
野曠人居少林深鳥語稀  
笑看雲變態何事出山飛

又次成鶴泉韻

白髮吾偏早蒼天爾不公  
勲名鑿鏡裡歲月閉門中

吳歎音容間猶欣臭味同  
應知泉上鶴伴宿夜窓空

沈鴻山江舍僦居三首

隱吏幽棲地虛亭向水開  
江光供染筆山色入含杯  
去鳥長天盡歸帆細雨催  
隔花聞語響人有釣魚來

其二

小屋臨長浦楊花十里間  
草分村際路雲吐檻前山  
砌晚蜂衙急江空鷺睡閑  
尋常來客少外戶不須關

其三

仄徑緣江曲孤村隔岸稀  
竹孫春後長梅子雨前肥  
霧失平橋樹潮逼近水  
扉沙禽如款客相押不驚飛

三峯集卷之三  
憶申玄翁

玄翁時住瓦村

近郭同棲遁窮途幾友生  
靜多知物態病久閱人情  
藥餌身難健波濤夢易驚  
相思空極目林外夕霞明

早秋

有書休掛眼無客可開顏  
事簡身猶病心清境自閑  
晚涼初北牖秋意已南山  
起我扁舟興中宵夢獨還

壬戌七月既望偶題

憶昔東坡老生逢壬戌  
秋江山餘勝迹宇宙幾仙流  
一種青天月千年赤壁舟  
只今無賦手誰復繼清遊

雨後即事

空庭積雨痕病後不窺軒  
暑去除秦法涼來布漢恩  
鴈聲初碧落蛩語自黃昏  
最覺霜華早星星點鬢根

即事

斗屋朝猶掩秋天晚始晴  
好山霜後見寒日霧中生  
鳥度空林色松和暗澗聲  
時危仍卧病淒切暮年情

歸田

歸田真晚計隨分且殘年  
俗外羲皇日閑中太古天  
山看呈紫巖野飯進紅蓮  
飲啄無餘事尋常任自然

臘夜

破臘春將近餘寒力更嚴  
竹嬌霜作粉松老雪為髯

凍木鳴晨壑 飢禽落夜簷 林居吾分足 世事不須占

書懷

道勝窮猶樂 身閑病亦安 鬢添今日白 顏謝故年丹  
竹色詩中活 梅花夢裡寒 沉冥人世外 又見歲時闌

三三

冷落重三節 沉冥去歲人 雨前花意氣 風外柳精神  
病覺吟情減 愁逢物候新 傷時兩眼淚 依舊對殘春

寒食日小雨

禁火清明後 春空盡日陰 暗烟封柳眼 微雨養梅心  
岳色詩中畫 溪聲譜外琴 東風應笑我 何事閉門深

次竹西韻

雨砌蛙兒出 風簷燕子斜 病餘詩課少 衰後道情多  
地窄猶栽竹 田閑不種瓜 相思空日夕 獨立羨歸鴉

次成鶴泉病中感懷韻

羨子衰仍健 新功著易林 六爻姬聖筆 八卦伏羲心  
謾負青雲器 誰憐白雪吟 懷人清夜半 空外響寒砧

其二

萬事無關念 林泉一夢餘 文章天與厚 老病世緣疎  
久假車生耳 長蠹地出魚 故人知不薄 時寄數行書

其三

功名非我分藥石是生涯歲月愁中貌山川病後詩  
夜涼孤枕覺秋意暗虫知委巷經新雨溪流壞竹籬

詠雪

積雪被林巒遙空白色漫海連銀地澗山入玉天寒  
閉戶人猶卧乘舟興未闌家僮莫須掃留作畫圖看

至月望夜雪

白雪寒仍積彤雲曉未開地疑銀世界天幻玉樓臺  
不夜家家月先春樹樹梅登年知有兆作賦愧非才

早春次沈竹西韻時竹西任松都

已作經年別寧堪會面遲曉霜愁後鬢春草夢中詩

節物寒仍變情懷老自知古臺明月滿誰與共銜卮

二月十八日自公州扈駕還都途中遇雪

回鑾寒食節跋馬錦江春喜氣梅唇吐歡情柳眼新  
山川爭扑舞旗鼓更精神最是蘇橋雪先清輦路塵

次明上人軸韻

五馬當年客雙溪寺裡遊秋高青鶴洞夜冷白雲樓  
古運苔應老幽巖月獨愁僧從南嶽至盡日話頭流

次劉希慶枕流臺諸學士韻

憶向桃源裏閑窺竹下池草封今日運松偃昔年枝  
城市幽人宅溪山學士詩病來空舊興吟送夕陽時

即事

不念年芳歇其如卧病何境閑忘室窄簷小見山多  
屏酒後花笑裁詩和鳥歌扁舟空有夢萬里白鷗波

丁卯寒食

令節春強半今朝食又寒干戈仍世亂宇宙此生難  
海憤濤常吼天瘡雨不乾傷心逢主辱臣子敢求安

詠隱者

素性親麋鹿非關避網羅塵中嫌地小物外得天多  
野食餐松朮山衣剪薜蘿沉冥甘老去萬事獨長歌

冬至聞新皇即位

地氣生陽候天文建子辰庭梅寒意思澗柳暗精神  
白雪千門曙黃雲四海春從今氛祲息紫極日方新

漫書

宇宙容身窄塵寰省俗緣有生真大患無事即神仙  
病後詩功退衰來學力專艱危餘涕淚春色又今年

寄贈鶴泉

歲月人猶病雲霄鶴不群竹虛心似我梅冷影疑君  
破悶詩無力排寒酒有勳春來富新作莫惜一相聞

人日

卧病冰霜裡頻驚節序忙柳眉烟作畫梅臉雪為粧

老興隨年減閑愁共夜長陰消陽漸旺今日喜迎祥

贈枕流臺主人劉希慶 劉自號市隱

市隱非今士幽居迳沒蒿庭中唯白鶴宅畔盡紅樵  
岳色當窓近溪聲入枕高世人渾不識風骨本仙曹

燈夕記感

世裡愁無病燈前影伴身遙知今夕會幾箇去年人  
座滿南樓月樽空北海春高吟聊遣興不省是良辰

拋書

拋書差有味在世幸無聞靜榻琴相伴閑庭竹共分  
開軒迎吐月捲箔送歸雲自是機緣薄何曾遠俗紛



